

## UGOVOR O JAVNOJ NABAVCI ROBA

Zaključen dana 26.03.2019. godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Kupac**), koga zastupa Direktor Preduzeća **mr.sci. Nermin Demirović, dipl.ing.šum.**

i  
**„Ezio inox“ d.o.o. Ilijaš, Društvo za proizvodnju i trgovinu**, sa sjedištem u Ilijašu, ul. Bosanski put br. 215, registrovano kod Općinskog suda u Sarajevu, Aktuelni izvod iz sudskog registra: 057-0-RegZ-19-000771 od 30.01.2019. godine, identifikacioni broj: 4201606160003; PDV broj: 201606160003 (u daljem tekstu: **Prodavac**) koga zastupa **Alihodžić Sejad, direktor.**

(u daljem tekstu : **Ugovorne strane**)

### Član 1.

Predmet ovog Ugovora je javna nabavka roba za potrebe Kupca u 2019.godini i to:

**- Stočna hrana**

prema Obrascu za cijenu ponude, koji je dostavljen u ponudi Prodavca, protoklisanoj kod Kupca pod brojem: 0103-189-7/18 od 27.02.2019. godine, a koji su prilog ovog Ugovora i čine njegov sastavni dio.

Ukupna vrijednost javne nabavke roba iz prethodnog stava iznosi **113.674,00 KM**, bez uključenog iznosa pripadajućih indirektnih poreza, odnosno PDV-a.

### Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku roba broj:0103-189/19 za Stočna hrana, broj:0103-189-9/19 od 27.02.2019. godine, Zapisnika o pregledu i ocjeni ponuda, broj:0103-189-10/19 od 27.02.2019. godine, Odluke Nadzornog odbora, broj: 0102-189-4/19 od 30.01.2019 .godine i pravosnažne Odluke o izboru najpovoljnijeg ponuđača, broj:0103-189-11/19 od 27.02.2019. godine.

### Član 3.

Prodavac se obavezuje da će Kupcu za vrijeme trajanja Ugovora vršiti sukcesivnu isporuku roba navedenih u članu 1. ovog Ugovora u roku od 2 (dva) dana od dana prijema zahtjeva za nabavku fcco skladišta Kupca: ŠU „Srednje“ (OJ Šići, OJ Gajevi, OJ Bistrica), ŠU „Hadžići“ (OJ Igman, OJ Tarčin), ŠU „Trnovo“ (OJ Trnovoradišće Delijaš, Šabići), a u svemu prema ponudi Prodavca protoklisanoj kod Kupca pod brojem: 0103-189-7/18 od 27.02.2019. godine.

U slučaju kašnjenja u isporuci roba, do kojeg je došlo krivicom Prodavca, isti se obavezuje da Kupcu plati ugovornu kaznu u skladu sa Zakonom o obligacionim odnosima u iznosu od 1 % (vrijednosti ugovorenih roba) za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti roba koja je predmet narudžbe. Prodavac je dužan platiti ugovornu kaznu u roku od 7 dana od dana prijema zahtjeva za plaćanje od strane Kupca.

### Član 4.

Prodavac garantuje da će isporučivati kvalitetnu stočnu hranu pod tačkom 5. Obrasca za cijenu ponude po vrsti, količinama i jediničnim cijenama, koji je prilog ovog Ugovora i njegov sastavni dio (sijeno), dok će za tačke 1,2,3,4,6,7 Obrasca za cijenu ponude prilikom svake isporuke dostavljati uvjerenja o kvalitetu ovjerena od nadležne institucije.

Količine i kvalitet robe iz člana 1. ovog Ugovora, a u skladu sa prethodnim stavom kontrolisat će Komisija formirana od strane Kupca. Nakon što Komisija konstatuje da su količine i kvalitet zadovoljavajući izvršit će se primopredaja robe koja je predmet ovog Ugovora , o čemu će se sačiniti Zapisnik, koji će potpisati Komisija Kupca i predstavnik Prodavca .

U slučaju da Komisija iz stava 2. ovog člana konstatuje eventualne nedostatke, Prodavac se obavezuje da će iste otkloniti odmah zamjenom robe čiji je kvalitet zadovoljavajući.

### Član 5.

Kupac se obavezuje da Prodavcu za isporučenu robu koja je predmet ovog Ugovora, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama roba datim u Obrascu za cijenu ponude, a koje su dostavljene u Ponudi Prodavca.

Ugovorne strane su saglasne da su jedinične cijene roba i ukupna vrijednost ponude utvrđene u članu 1. ovog Ugovora bez uračunatih indirektnih pripadajućih poreza ,odnosno PDV-a i da su iste nepromjenljive u skladu sa Izjavom datom u ponudi Prodavca protokolisanom kod Kupca pod brojem: 0103-189-7/18 od 27.02.2019. godine.

#### Član 6.

Kupac se obavezuje da Prodavcu za isporučene robe navedene u članu 1. ovog Ugovora, a u skladu sa ispostavljenom narudžbenicom plati novčanu naknadu u skladu sa jediničnim cijenama roba datim u Obrascu za cijenu ponude koje su dostavljene u ponudi Prodavca, u roku od 60 (šezdeset) dana od dana dostavljanja računa/fakture.

Uplatu po ispostavljenoj fakturi Kupac će izvršiti na transakcijski račun Prodavca, broj: 1601150000009523 otvoren kod Sberbank banke.

#### Član 7.

Prodavac se obavezuje da će u roku od 15 (petnaest) dana od dana zaključenja ovog Okvirnog sporazuma obezbijediti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Ugovorni organ može imati ukoliko Prodavac prekrši sporazum o nabavci od potpisivanja do njegovog ispunjenja u cijelosti.

Pokriće iz bankarske garancije ne oslobađa Prodavca odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije.

#### Član 8.

Za realizaciju ovog Ugovora u ime Kupca zadužuje se Izvršni direktor Oblasti za šumarstvo.

#### Član 9.

Za praćenje realizacije ovog Ugovora u ime Kupca zadužuje se Služba za marketing i komercijalne poslove.

#### Član 10.

Prodavac u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Kupca, najmanje 6 (šest) mjeseci po zaključenju Ugovora,odnosno od početka realizacije Ugovora.

#### Član 11.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

#### Član 12.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

#### Član 13.


Ovaj Ugovor stupa na snagu danom potpisivanja od strane obje Ugovorne strane i traje do 31.12.2019. godine.

#### Član 14.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Kupac, a 2 (dva) primjerka Prodavac za svoje potrebe.

Za Prodavca

Alihodžić Sejad



Za Kupca  
Direktor

mr.sci. Nermin Demirović, dipl.ing.šum.

Izvršni direktor Oblasti za šumarstvo

Proha Adnan, dipl.ing.šum.

Izvršni direktor Oblasti za opšte poslove

Kečo Hidajeta, dipl. ecc.

Broj: 55-05/19

Datum: 02.09.19. godine

Broj: 0103-189-13/19

Datum: 26.03.2019. godine